

Na osnovu člana 72. stav (3) tačka f). Zakona o javnim nabavkama („Službeni glasnik BiH“, broj: 39/14 i 59/22) a u skladu sa članom 5. Odluke o pokretanju postupka javne nabavke broj: 02/11-A-016564-2022 od 05.10.2022.godine, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU o dodjeli ugovora trećerangiranom ponuđaču za LOT3.

Član 1.

Ugovor za nabavku kancelarijskog namještaja za LOT3. – Nabavka kancelarijskog namještaja za potrebe Gradskog pravobranilaštva, dodjeljuje se trećerangiranom ponuđaču „Larix“ d.o.o. Doboje, koji je ponudio cijenu od 1.278,84 KM bez PDV-a a nakon što najpovoljniji ponuđač nakon Odluke o izboru najpovoljnijeg ponuđača, nije, u ostavljenom roku, dostavio traženu dokumentaciju, a zatim je i drugoplasirani ponuđač odbio potpisati ugovor za predmetni lot uz pismeno obrazloženje.

Član 2.

Ovom Odlukom stavlja se van snage alineja 3. člana 1. Odluke o dodjeli ugovora drugorangiranom ponuđaču za LOT1. i LOT3. broj: 02/11-A-016564-2022 od 26.12.2022.godine kojom se ugovor za nabavku kancelarijskog namještaja za LOT3. dodjeljuje ponuđaču „Merolla“ d.o.o. Doboje.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02/11-A-016564-2022 od 05.10.2022.godine. Postupak nabavke je proveden putem otvorenog postupka za koji je objavljeno obavještenje o nabavci broj: 1004-1-1-137-3-179/22 dana 24.10.2022. godine.

Postupak nabavke provela je Komisija za nabavke imenovana Rješenjem broj: 02/11-A-016564-2022 od 05.10.2022.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

za LOT3.:

- da je ukupan broj pristiglih ponuda 6 (šest);
- da je blagovremeno zaprimljeno 6 (šest) ponuda;
- da nije bilo neblagovremenih ponuda;
- da su sve pristigle ponude prihvatljive i da nema neprihvatljivih ponuda.

Svi ponuđači su obaviješteni o rezultatima postupka nabavke, te su najpovoljniji ponuđači pozvani da dostave dokumentaciju iz člana 45. Zakona o javnim nabavkama u roku od 7 dana o dana prijema obavještenja o rezultatima postupka.

Obzirom da izabrani ponuđač za LOT3. „Protim“ d.o.o. Sarajevo do predviđenog roka za dostavu tražene dokumentacije iz člana 45. Zakona o javnim nabavkama nije dostavio istu, ugovorni organ je postupio u skladu sa članom 72. stav (3) tačka a). Zakona o javnim nabavkama i ugovor za LOT3. dodijelio ponuđaču „Merolla“ d.o.o. Doboje, kao drugorangiranom ponuđaču.

Nakon isteka zakonskog roka za potpisivanje ugovora odabranom ponuđaču „Merolla“ d.o.o. Doboje je dostavljen na potpis ugovor za predmetni lot ali je ponuđač odbio da potpiše ugovor uz pismeno obrazloženje.

Nakon što je drugorangirani ponuđač odbio da potpiše ugovor, ugovorni organ je zatražio produženje roka važenja ponuda od ponuđača koji su učestvovali u postupku javne nabavke kancelarijskog namještaja za predmetni lot. Kada su se ponuđači izjasnili o produženju roka važenja ponuda ugovorni organ je postupio u skladu sa članom 72. stav (3) tačka f). Zakona o javnim nabavkama i ugovor za nabavku kancelarijskog namještaja za LOT3. dodijelio trećerangiranom ponuđaču kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 02/11-A-016564-2022
Datum, 30.03.2023.godine**

**Pomoćnik gradonačelnika za Službu za
komunalne poslove, izgradnju
i poslove mjesnih zajednica**

mr.sc. Mirela Uljić, dipl.ing.građ.